

এক্সকুসিভ মডেল টেস্ট

SURE SUCCESS

এক্সক্লুসিভ মডেল টেস্ট ০১

বিষয় কোড : 293

সময়-২ ঘণ্টা ৩০ মিনিট

ফিন্যান্স, ব্যাংকিং ও বিমা দ্বিতীয় পত্র সৃজনশীল প্রশ্ন

পূর্ণমান-৭০

দ্রষ্টব্য : ডান পাশের সংখ্যা প্রশ্নের পূর্ণমান জ্ঞাপক। ক বিভাগ থেকে কমপক্ষে পাঁচটি এবং খ বিভাগ থেকে কমপক্ষে দুটিসহ মোট সাতটি প্রশ্নের উত্তর দিতে হবে।

ক-বিভাগ : ব্যাংকিং

- ১৮ রাধাচূড়া ব্যাংক সূনামের সাথে তাদের ব্যাংকিং কার্যক্রম পরিচালনা করে আসছে। করোনা পরবর্তী সময়ে কৃষকচূড়া ব্যাংক ব্যাংকিং ব্যবসায় সুবিধাজনক অবস্থানে নেই। কৃষকচূড়া ব্যাংকের অবস্থা বুঝতে গেলে রাধাচূড়া ব্যাংক কৃষকচূড়া ব্যাংকের ৫৫% শেয়ার ক্রয় করে তাদের নিয়ন্ত্রণে পরিচালিত হওয়ার প্রস্তাব দেয়। কিন্তু কৃষকচূড়া ব্যাংক কর্তৃপক্ষ এ প্রস্তাবে সম্মত না হয়ে উভয় ব্যাংকের পৃথক সত্তা বজায় রেখে পারস্পরিক সহযোগিতার মাধ্যমে ব্যাংকিং কার্যক্রম পরিচালনার আগ্রহ প্রকাশ করে।
- ক. গারনিশি অর্ডার কী? ১
খ. তালিকাভুক্ত ব্যাংককে লেনদেন করা উত্তম কেন? ২
গ. রাধাচূড়া ব্যাংক কোন ধরনের ব্যাংক প্রতিষ্ঠার আগ্রহ প্রকাশ করেছে? ব্যাখ্যা কর। ৩
ঘ. তুমি কী মনে কর রাধাচূড়া ব্যাংক থেকে কৃষকচূড়া ব্যাংকের আগ্রহে প্রতিষ্ঠিত ব্যাংকিং ব্যবস্থা উত্তম? তোমার মতামত দাও। ৪
- ১৯ জুলাই বিপ্লবের পর দেশের বাণিজ্যিক ব্যাংকগুলো তারল্য সংকটে পড়ে। এই সংকট থেকে উত্তরণের জন্য ব্যাংকগুলো কেন্দ্রীয় ব্যাংকের নিকট শরণাপন্ন হয়। তখন কেন্দ্রীয় ব্যাংক বাণিজ্যিক ব্যাংকগুলোর বিল বাটার হার কমিয়ে দেয়। তাতেও নগদ অর্থ ও ঋণ প্রবাহ বৃদ্ধি না পাওয়ায় কেন্দ্রীয় ব্যাংক আর্থিক বাজার থেকে বিপুল পরিমাণ বন্ড ও সিকিউরিটিজ ক্রয় করা শুরু করে।
- ক. বিধিবদ্ধ তারল্য সংরক্ষণ হার কী? ১
খ. কোন ব্যাংককে ঋণের শেষ আশ্রয়স্থল বলা হয়? ব্যাখ্যা কর। ২
গ. উদ্দীপকে তারল্য সংকট নিরসনে কেন্দ্রীয় ব্যাংক প্রথম কোন পদ্ধতি অনুসরণ করেছে? ব্যাখ্যা কর। ৩
ঘ. তুমি কি মনে কর কেন্দ্রীয় ব্যাংক কর্তৃক গৃহীত দ্বিতীয় পদক্ষেপটি কাস্ট্রিক লক্ষ্য অর্জনে সহায়ক হয়েছে? যুক্তিসহ উত্তর দাও। ৪
- ২০ কৃষিনির্ভর অর্থনীতি শক্তিশালী করার জন্য কেন্দ্রীয় ব্যাংক তালিকাভুক্ত ব্যাংকসমূহকে তাদের প্রদত্ত ঋণের ১০% কৃষি খাতে প্রদান করার নির্দেশ প্রদান করে। কেন্দ্রীয় ব্যাংকের নির্দেশ থাকা সত্ত্বেও কিছু তালিকাভুক্ত ব্যাংক এই আদেশ অমান্য করে। এমতাবস্থায় কেন্দ্রীয় ব্যাংক নির্দেশ অমান্যকারী ব্যাংকগুলোকে শাস্তিমূলক ব্যবস্থা হিসেবে তাদের আন্তঃব্যাংকিং লেনদেন নিষ্পত্তি স্থগিত রাখে।
- ক. ব্যাসেল-২ কী? ১
খ. ঋণের সুদের হার জীবনযাত্রার মানের উপর কী প্রভাব ফেলে? ব্যাখ্যা কর। ২
গ. কেন্দ্রীয় ব্যাংক প্রথমে ঋণ নিয়ন্ত্রণের কোন কৌশল অনুসরণ করেছে? ব্যাখ্যা কর। ৩
ঘ. উদ্দীপকে ঋণ নিয়ন্ত্রণে কেন্দ্রীয় ব্যাংকের দ্বিতীয় পর্যায়ে গৃহীত ব্যবস্থার যৌক্তিকতা মূল্যায়ন কর। ৪
- ৪ মিজ নওরীন একজন চাকরিজীবী। তিনি ভবিষ্যতের কথা চিন্তা করে চিত্রা ব্যাংকে একটি হিসাব খুলেন। তিনি প্রতি মাসের বেতন থেকে নির্দিষ্ট পরিমাণ অর্থ সেই হিসাবে জমা করবেন এবং নির্দিষ্ট সময় শেষে সুদসহ অর্থ ফেরত পাবেন। মিজ নওরীন ২০২৪ সালে বোনাস ও ইনসেন্টিভ হিসেবে প্রায় ৫ লক্ষ টাকা দীর্ঘমেয়াদি চিত্রা ব্যাংকে জমা রাখতে চাইলে ব্যাংক ম্যানেজার তাকে অন্য একটি হিসাব খোলার পরামর্শ দেন।
- ক. ঋণ আমানতি হিসাব কী? ১
খ. মানি লভারিং প্রতিরোধে KYC ফর্মের ভূমিকা ব্যাখ্যা কর। ২
গ. উদ্দীপকে মিজ নওরীন চিত্রা ব্যাংকে কোন ধরনের হিসাব খুলেছেন? ব্যাখ্যা কর। ৩
ঘ. উদ্দীপকে ব্যাংক ম্যানেজার কর্তৃক মিজ নওরীনকে অন্য একটি ব্যাংক হিসাব খোলার পরামর্শ দানের যৌক্তিকতা বিশ্লেষণ কর। ৪
- ৫ জনাব জায়েব ২৯/০২/২৪ তারিখে তার দেনাদারের নিকট থেকে একটি চেক পেলেন। চেকের বাম কোণে আড়াআড়ি সমান্তরাল দুটি রেখা টানা ছিল এবং রেখার মধ্যে 'সোনালি ব্যাংক রমনা শাখা' লেখা ছিল। পরবর্তীতে জনাব জায়েব ০২/০৯/২৪ তারিখে চেকটি সোনালি ব্যাংকের রমনা শাখায় তার ব্যাংক হিসাবে জমা দিতে গেলে ব্যাংক চেকটি ফেরত দেয়।
- ক. খোলা চেক কী? ১
খ. চেকের সীমিত অনুমোদন বলতে কী বোঝায়? ২
গ. উদ্দীপকের জনাব জায়েব যে চেক পেয়েছেন তা কোন ধরনের চেক? ব্যাখ্যা কর। ৩
ঘ. উদ্দীপকে ব্যাংক কর্তৃক চেকটি ফেরত দেওয়ার কারণ বিশ্লেষণ কর। ৪
- ৬ রুমি ও জামি ঢাকার মতিবিলে একটি প্রতিষ্ঠানে কর্মরত। চাকরির সুবাদে তারা ঢাকায় বসবাস করেন এবং স্বর্ণচূড়া ব্যাংকের মতিবিল শাখায় হিসাব পরিচালনা করেন। দুই সহকর্মী ভ্রমণে কক্সবাজার গেলেন। সেখানে লেনদেনের সুবিধার জন্য জামি সাথে ব্যাংক চেক নেন এবং রুমি ব্যাংক হিসাবের বিপরীতে ইস্যুকৃত প্লাস্টিক কার্ড নেন। স্বর্ণচূড়া ব্যাংকের কক্সবাজার শাখা থেকে চেকের মাধ্যমে অর্থ উত্তোলন করে জামি যাবতীয় খরচ সম্পন্ন করেন এবং রুমি এটিএম থেকে অর্থ উত্তোলন করে খরচ নির্বাহ করেন।

- ক. ওয়ান স্টপ সার্ভিস কী? ১
খ. গ্রাহক সেবা নিশ্চিত করতে ইলেক্ট্রনিক ব্যাংকিং গুরুত্বপূর্ণ কেন? ২
গ. উদ্দীপকে জামি কোন ব্যাংকিং সুবিধা গ্রহণ করেন? ব্যাখ্যা কর। ৩
ঘ. “রুমির কার্ডের সামর্থ্য তার ব্যাংকের জমাকৃত অর্থের পরিমাণের সাথে সম্পৃক্ত”- বিশ্লেষণ কর। ৪
- ৭ জনাব শাকিল একজন ব্যবসায়ী। তিনি ব্যবসায়ের প্রয়োজনে দক্ষতা ব্যাংকে একটি হিসাব খোলেন যে ব্যাংক শুধু একটি অফিসের মাধ্যমে তাদের কার্যক্রম পরিচালনা করে। শাকিলের ব্যবসায়ের পরিধি বৃদ্ধি পেয়ে সারাদেশে ছড়িয়ে পড়ে। পরবর্তীতে দেশের বিভিন্ন প্রান্তের মানুষের সাথে লেনদেন করার প্রয়োজন হলে তিনি একতা ব্যাংকে আরেকটি হিসাব খোলেন। একতা ব্যাংক দেশের সর্বত্র ব্যাংকিং সেবা প্রদান করে।
- ক. SWIFT-এর পূর্ণরূপ কী? ১
খ. বিনিময় বিল বলতে কী বোঝায়? ব্যাখ্যা কর। ২
গ. উদ্দীপকে দক্ষতা ব্যাংক কোন ধরনের ব্যাংক? ব্যাখ্যা কর। ৩
ঘ. “ব্যবসায়-বাণিজ্য প্রসারে দক্ষতা ব্যাংকের তুলনায় একতা ব্যাংক অধিক সহায়ক”- তুমি কি এই বক্তব্যের সাথে একমত? মতামত দাও। ৪

খ-বিভাগ : বিমা

- ৮ জনাব সজল একজন ব্যবসায়ী। তিনি ২০২৪ সালে ৩ লক্ষ টাকা দিয়ে একটি রয়ল এনফিল্ড মোটরসাইকেল কিনেন এবং তার বড়ো ভাইকে উপহার দেন। তার ভাই মোটরসাইকেলটি বিমা করতে চাইলে বিমা কোম্পানি বিমাচুক্তি করতে রাজি হয় না। পরে জনাব সজল নিজেই বিমাচুক্তি করেন এবং মোটরসাইকেলের ক্রয়মূল্য ৪ লক্ষ টাকা উল্লেখ করেন। মোটরসাইকেলটি দুর্ঘটনায় সম্পূর্ণ ক্ষতিগ্রস্ত হলে বিমা কোম্পানির নিকট বিমাদাবি উপস্থাপন করা হয়। বিমা কোম্পানি যাচাই বাছাই করে বিমাদাবি প্রদান করতে অস্বীকৃতি জানায়।
- ক. মৌলিক ঝুঁকি কী? ১
খ. বিমায়োগ্য স্বার্থ বিমা ব্যবসায় গুরুত্বপূর্ণ কেন? ব্যাখ্যা কর। ২
গ. উদ্দীপকে সজলের ভাই কেন মোটরসাইকেলটি বিমা করতে পারেনি? ব্যাখ্যা কর। ৩
ঘ. উদ্দীপকে বিমা কোম্পানি কর্তৃক বিমাদাবি প্রদান করতে অস্বীকৃতি জানানোর যৌক্তিকতা বিশ্লেষণ কর। ৪
- ৯ জনাব আশিক তার ব্যক্তিগত ব্যবহৃত গাড়িটি ২০ লক্ষ টাকায় দুটি কোম্পানির নিকট পৃথকভাবে বিমা করেন। দুর্ঘটনায় গাড়িটির ৫ লক্ষ টাকার ক্ষতি সাধিত হয়। জনাব আশিক দুটি বিমা কোম্পানির নিকট পৃথকভাবে ৫ লক্ষ টাকার ক্ষতিপূরণ দাবি করে এবং বিমা কোম্পানিগুলো তার দাবি প্রত্যাখ্যান করে।
- ক. প্রত্যক্ষ কারণ কী? ১
খ. “বিমাচুক্তি বাজি ধরার চুক্তি নয়”- ব্যাখ্যা কর। ২
গ. উদ্দীপকে জনাব আশিক কোন ধরনের বিমাপত্র গ্রহণ করেছেন? ব্যাখ্যা কর। ৩
ঘ. উদ্দীপকে উল্লিখিত বিমা কোম্পানিগুলো কর্তৃক জনাব আশিকের বিমাদাবি প্রত্যাখ্যানের কারণ বিশ্লেষণ কর। ৪
- ১০ জনাব তাসিন একজন চাকরিজীবী। তিনি তার সন্তানের ভবিষ্যতের কথা চিন্তা করে ১০ বছর মেয়াদি বিমাপত্র গ্রহণ করেন। ১০ বছরের মধ্যে তিনি মারা গেলে বা ১০ বছর শেষে তার সন্তান নির্দিষ্ট সময় পর্যন্ত শিক্ষাবৃত্তি পাবে। ৪ বছর পরে আর্থিক অসঙ্গতির কারণে তিনি বিমা চালু রাখতে অসমর্থ হন এবং প্রদত্ত প্রিমিয়াম ফেরত পাওয়ার আবেদন করেন।
- ক. পুনর্বিমা কী? ১
খ. গ্রুপ বিমা বলতে কী বোঝায়? ২
গ. উদ্দীপকে জনাব তাসিন কোন ধরনের বিমাপত্র গ্রহণ করেছেন? ব্যাখ্যা কর। ৩
ঘ. তুমি কী মনে কর বিমা কোম্পানি জনাব তাসিনকে তার দাবিকৃত অর্থ প্রদান করবে? যুক্তিসহ ব্যাখ্যা কর। ৪
- ১১ মিজ সাদিকা ১০ বছর মেয়াদি একটি বিমা পলিসি গ্রহণ করেন। বিমা পলিসি অনুযায়ী মেয়াদের মধ্যে মারা গেলে তার নমিনি বা মেয়াদ শেষে তিনি বিমাদাবি পাবেন। অন্যদিকে মিজ ফাতিহা ১০ বছর মেয়াদি একটি বিমা পলিসি গ্রহণ করেন। বিমা পলিসি অনুযায়ী শুধু মেয়াদ শেষেই বিমাদাবি দেওয়া হবে।
- ক. প্রিমিয়াম কী? ১
খ. জীবন বিমা কি ক্ষতিপূরণের চুক্তি? ব্যাখ্যা কর। ২
গ. উদ্দীপকে মিজ সাদিকার গৃহীত বিমাপত্রটি কোন ধরনের? ব্যাখ্যা কর। ৩
ঘ. উদ্দীপকে মিজ ফাতিহার বিমাপত্রের জন্য নমিনির প্রয়োজনীয়তা আছে কি? মতামত দাও। ৪

এক্সক্লুসিভ মডেল টেস্ট ০২

বিষয় কোড : 293

সময়-২ ঘণ্টা ৩০ মিনিট

ফিন্যান্স, ব্যাংকিং ও বিমা দ্বিতীয় পত্র সৃজনশীল প্রশ্ন

পূর্ণমান-৭০

[দ্রষ্টব্য : ডান পাশের সংখ্যা প্রশ্নের পূর্ণমান জ্ঞাপক। ক বিভাগ থেকে কমপক্ষে দুটিসহ মোট সাতটি প্রশ্নের উত্তর দিতে হবে।]

ক-বিভাগ : ব্যাংকিং

- ১) জনাব সারওয়ার একজন স্বনামধন্য ব্যাংকার ছিলেন। তার জীবদ্দশায় কিছু ছোট ব্যাংক আর্থিকভাবে সমস্যায় পড়ায় তার নিজের হাতে গড়া পায়রা ব্যাংক সেই ছোট ব্যাংকগুলোর শেয়ার কিনে নিয়ন্ত্রণ নেয় এবং দেশের ব্যাংকিং জগতের অন্যতম সেবা প্রদানকারী প্রতিষ্ঠানের মর্যাদা পায়। অন্যদিকে, জনাব হাসান তার দেনাদার রাতুলের নিকট ১০ লক্ষ টাকা পাওনা, যা তিনি আদায় করতে না পেয়ে আদালতের শরণাপন্ন হলে আদালত জনাব রাতুলের ব্যাংক হিসাবের সব লেনদেন বন্ধ করার আদেশ দেয়।
 - ক. চেইন ব্যাংকিং কী? ১
 - খ. ব্যাংকিং-২ কেন প্রণয়ন করা হয়েছিল? ব্যাখ্যা কর। ২
 - গ. উদ্দীপকে উল্লিখিত পায়রা ব্যাংক সংগঠন কাঠামোর ভিত্তিতে কোন ধরনের ব্যাংকিং ব্যবস্থা গড়ে তুলেছে? ব্যাখ্যা কর। ৩
 - ঘ. উদ্দীপকে আদালত জনাব রাতুলের ব্যাংক হিসাবের সব লেনদেন বন্ধ করার যে আদেশ দিয়েছে, তার যৌক্তিকতা বিশ্লেষণ কর। ৪
- ২) সুন্দরবন ফাইন্যান্স লি. দেশের বিভিন্ন জায়গায় ইহার শাখা স্থাপন করে ব্যাংকিং কার্যক্রম সম্পাদন করেছে। কিন্তু তাদের উপর জনগণের আস্থা কম, কারণ প্রতিষ্ঠানটি কোনো শক্তিশালী ব্যবসায় সংগঠনের অধীনে পরিচালিত হচ্ছে না। তাছাড়া প্রতিষ্ঠানটি আর্থিক সংকটে পড়লে উদ্ধার করার কেউ নেই। প্রতিষ্ঠানটি থাকে ব্যবসায় ভবিষ্যৎ নিয়ে অনেক চিন্তিত, সেইজন্য তাদের ব্যবসায় সংগঠনের ধরন পরিবর্তন করে একটি শক্তিশালী ব্যাংকের অধীনে পরিচালিত হতে চায় যেটি তার ঋণদানের শেষ আশ্রয়স্থল হিসেবে কাজ করবে।
 - ক. নিকাশ ঘর কী? ১
 - খ. খোলাবাজার নীতি বলতে কী বোঝায়? ব্যাখ্যা কর। ২
 - গ. উদ্দীপকে যে শক্তিশালী ব্যাংকের কথা বলা হয়েছে তা মালিকানার ভিত্তিতে কোন ধরনের ব্যাখ্যা কর। ৩
 - ঘ. উদ্দীপকে উল্লিখিত প্রতিষ্ঠানটি তার ধরন পরিবর্তনের ফলে দেশের অর্থনৈতিক উন্নয়নে কি বেশি ভূমিকা রাখতে পারবে? তোমার সপক্ষে যুক্তি দাও। ৪
- ৩) দেশের কেন্দ্রীয় ব্যাংক অর্থনৈতিক অবস্থা স্থিতিশীল রাখতে গুরুত্বপূর্ণ ভূমিকা পালন করে। দেশে হঠাৎ বাণিজ্যিক ব্যাংকগুলোতে তারল্য সংকট দেখা দেওয়ায় কেন্দ্রীয় ব্যাংক খুব উদ্বিগ্ন। কেন্দ্রীয় ব্যাংক নির্দেশনা জারি করেছে যে, এখন থেকে ব্যাংকগুলোর নগদ জমা সংরক্ষণের বাধ্যবাধকতা ১% কমিয়ে ৪% করে দেওয়া হলো। এ ছাড়াও তৈরি পোশাকখাত মুনাসফাসমূহ হওয়ায় এই খাতে ব্যাংকগুলোকে আরও ঋণ বেশি দেওয়ার পরামর্শ প্রদান করা হয়।
 - ক. MICR এর পূর্ণরূপ কী? ১
 - খ. কেন্দ্রীয় ব্যাংকের তালিকাভুক্তির শর্তসমূহ উল্লেখ কর। ২
 - গ. উদ্দীপকে তারল্য সংকট নিরসনে ঋণ নিয়ন্ত্রণের কোন পদ্ধতি প্রয়োগ করা হয়েছে? ব্যাখ্যা কর। ৩
 - ঘ. কেন্দ্রীয় ব্যাংক কর্তৃক পোশাক শিল্প খাতে আরও ঋণ বেশি দেওয়ার পরামর্শের যথার্থতা মূল্যায়ন কর। ৪
- ৪) মি. হাসিব চাকরীজীবন শেষে একত্রে টাকা পেয়ে ব্যাংক কর্মকর্তার পরামর্শে এমন একটি হিসাবে রাখলেন যেখানে মাসিক ভিত্তিতে সুদ বা লাভ দেওয়া হবে। তবে ব্যাংক কর্মকর্তা আরেকটি হিসাব খুলতে বলেছেন, যেখানে সুদ বা লাভ জমা হবে এবং তিনি চেক কেটে টাকা উঠাতে পারবেন। অন্যদিকে, মি. ইফাজ এক বছর পরামর্শে একটি ব্যাংক থেকে ৬ বছর মেয়াদি একটি হিসাব খোলেন, যেখানে তিনি প্রতি মাসের শুরুতে একটি নির্দিষ্ট পরিমাণ টাকা জমা দেন। মেয়াদ শেষে সুদসহ সম্পূর্ণ টাকা পাওয়া যাবে।
 - ক. ঋণ আয়নতি হিসাব কী? ১
 - খ. চলতি হিসাবের গ্রাহকদের ব্যাংক সুদ দেয় না কেন? ২
 - গ. মি. ইফাজ ব্যাংক কোন ধরনের হিসাব খুলেছেন? ব্যাখ্যা কর। ৩
 - ঘ. অধিক ব্যাংকিং সুবিধা প্রদানের দিক দিয়ে মি. হাসিবের পরবর্তী হিসাবটি এগিয়ে থাকবে – মন্তব্যটির যৌক্তিকতা বিশ্লেষণ কর। ৪
- ৫) মি. কামাল একটি অফিসে চাকরি করেন। বেতন বাবদ তিনি একটি ২৫,০০০ টাকার চেক পেলেন। চেকটি তিনি তার পাওনাদার মি. হাসানকে দিতে চান। এজন্য তিনি চেকের পিছনে স্বাক্ষর করে 'মি. হাসানকে অথবা তার আদেশ অনুসারে দেয়' লিখে দিলেন। অন্যদিকে, জনাব কবীর একজন মোবাইল ব্যবসায়ী। তিনি সানির কাছ থেকে ৭০ হাজার টাকার একটি চেক পেলেন। প্রাপ্ত চেকের বাম কোণে আড়াআড়িভাবে দুটি রেখা টেনে মাঝখানে 'কর্ণফুলী ব্যাংক লি.' কথাটি লেখা ছিল। জনাব কবীর চেকটি সুরমা ব্যাংকে জমা দিতে গেলে ব্যাংক তা জমা নিতে অস্বীকৃতি জানায়।
 - ক. চেক কী? ১
 - খ. শুধুমাত্র অর্পণের দ্বারাই স্বত্ব হস্তান্তর হয় কোন ধরনের চেকের ক্ষেত্রে প্রযোজ্য? ব্যাখ্যা দাও। ২
 - গ. উদ্দীপকে উল্লিখিত মি. কামাল কোন ধরনের অনুমোদন করেছেন? ব্যাখ্যা কর। ৩
 - ঘ. উদ্দীপকে উল্লিখিত সুরমা ব্যাংক কর্তৃপক্ষের চেকটি জমা নিতে অস্বীকৃতি জানানোর যৌক্তিকতা মূল্যায়ন কর। ৪
- ৬) জনাব তাবিদ চেক গ্রহণ করে বাবুতে পণ্য বিক্রয় করেন। কিন্তু অনেক সময় চেকের অর্থ সংগ্রহে বিলম্ব হয়। এজন্য ব্যাংক ব্যবস্থাপক তাকে পরামর্শ দিলেন, আপনি এমন একটি দলিলের ফর্ম তৈরি করে রাখুন যেটা পূরণ করে স্বাক্ষরের স্থানে গ্রাহকের স্বীকৃতি নিয়ে স্বাক্ষর করিয়ে নিবেন। প্রয়োজনে যেকোনো সময় কিছু বাস্তব দিয়ে ব্যাংক থেকে তা ভাঙানো যাবে। অন্যদিকে, মি. ফরহাদ ১৫ মার্চ

- ২০২৪ তারিখে মি. তরুণের কাছ থেকে একটি চেক পেলেন। চেকটি ২০ মার্চ ব্যাংকে ভাঙাতে গিয়ে দেখলেন চেকে ১৫ এপ্রিল ২০২৪ লেখা রয়েছে।
 - ক. অস্বীকারপত্র কী? ১
 - খ. কোন ধরনের অনুমোদনের ফলে হুকুম চেক বাহক চেকে রূপান্তরিত হয়? ব্যাখ্যা কর। ২
 - গ. উদ্দীপকে মি. ফরহাদ কোন ধরনের চেক পেয়েছেন? ব্যাখ্যা কর। ৩
 - ঘ. উদ্দীপকের ব্যাংক ব্যবস্থাপক যে দলিলের পরামর্শ দিলেন তা দ্রুত অর্থ প্রাপ্তিতে ভূমিকা পালন করে। বিশ্লেষণ কর। ৪
- ৭) রাতুল তার ব্যাংক প্রদত্ত বিশেষ চুক্তির কার্ড ব্যবহার করে যেকোনো সময় তার হিসাবে জমাকৃত অর্থ উত্তোলন করতে পারেন। অপরদিকে, সাফাত তার ব্যাংক প্রদত্ত একই প্রকৃতির কার্ড ব্যবহার করে তার হিসাবে পর্যাপ্ত পরিমাণ টাকা না থাকলেও যাবতীয় কেনাকাটা এবং বিল পরিশোধ করতে পারেন, যা তিনি পরবর্তীতে সুদসহ ব্যাংককে পরিশোধ করেন। অন্যদিকে, জনাব সাকিব একজন প্রতিষ্ঠিত কম্পিউটার ব্যবসায়ী। প্রতিদিন তাকে দ্রুত অনেক ধরনের লেনদেন সম্পন্ন করতে হয়। সেজন্য তিনি তার ব্যক্তিগত কম্পিউটারে ব্যাংক প্রদত্ত সফটওয়্যার এবং পিন নম্বর দিয়ে ইন্টারনেট ব্যবহার করে ঘরে বসেই ব্যাংক হিসাবের বিভিন্ন তথ্য সম্পর্কে অবগত হতে পারেন।
 - ক. SWIFT পূর্ণরূপ কী? ১
 - খ. ওয়ান স্টপ সার্ভিস কী? ব্যাখ্যা কর। ২
 - গ. জনাব সাকিব কোন ধরনের ইলেকট্রনিক ব্যাংকিং সেবা গ্রহণ করতেন? ব্যাখ্যা কর। ৩
 - ঘ. উদ্দীপকে উল্লিখিত রাতুল ও সাফাতের কার্ড দুটির মধ্যে কোনটি উত্তম? তোমার উত্তরের সপক্ষে যুক্তি দাও। ৪

খ-বিভাগ : বিমা

- ৮) জনাব হাকিম হৃদরোগজনিত মৃত্যুর কারণে বিমাদাবি পরিশোধ করা হবে এই মর্মে বিমা করেন। তিনি হৃদরোগে আক্রান্ত হন এবং হাসপাতালে চিকিৎসাধীন থাকেন। সুস্থ হয়ে হাসপাতাল থেকে বাড়ি যেতে সড়ক দুর্ঘটনায় মারা যান। বিমা কোম্পানি বিমাদাবি পরিশোধ করেনি। অন্যদিকে, মি. শিহাব নতুন ব্যবসায় শুরু করেছেন। দেশের রাজনৈতিক অস্থিরতায় ব্যবসায়ের মুনাসফা কমে যেতে পারে বলে তিনি চিন্তিত। যুক্তি আছে জেনে তিনি বিমা কোম্পানির কাছে তার ব্যবসায়ের বিনিয়োগকৃত অর্থের বিমা করতে গেলে বিমা কোম্পানি অপারগতা প্রকাশ করে।
 - ক. বিশ্বস্ততা বিমা কী? ১
 - খ. বিমাযোগ্য স্বার্থ বলতে কী বোঝায়? ব্যাখ্যা কর। ২
 - গ. উদ্দীপকে বিমার কোন নীতি ভঙ্গের কারণে জনাব হাকিমের পরিবারকে বিমাদাবি পরিশোধ করেনি বলে তুমি মনে কর? ব্যাখ্যা কর। ৩
 - ঘ. বিমা কোম্পানি কর্তৃক মি. শিহাবের প্রস্তাবে অপারগতা প্রকাশ করার যৌক্তিকতা বিশ্লেষণ কর। ৪
- ৯) জনাব ফারদিন একটি পোশাক কারখানার মালিক। তিনি তার কোম্পানির ৫০০ শ্রমিকের নিরাপত্তার জন্য একক বিমাপত্রের অধীনে সুরমা বিমা কোম্পানির সাথে একটি বিমাচুক্তি করেন। অন্যদিকে, জনাব তনয় মেঘনা বিমা কোম্পানির সাথে ১০ বছর মেয়াদি একটি জীবন বিমাপত্র খোলেন। বিমাপত্র অনুযায়ী কেবল মেয়াদপূর্ণ হলেই জনাব তনয় বা তার উত্তরাধিকারী বিমাদাবি প্রাপ্য হবেন, কিন্তু এই মেয়াদের মধ্যে তিনি মারা গেলে তার উত্তরাধিকারী কোনো অর্থ পাবে না।
 - ক. বোনাস কী? ১
 - খ. মৃত্যুহারপঞ্জি কী? নমুনাসহ ব্যাখ্যা কর। ২
 - গ. জনাব তনয় কোন ধরনের জীবন বিমা করেছিলেন? ব্যাখ্যা কর। ৩
 - ঘ. জনাব ফারদিন যে বিমাপত্রটি গ্রহণ করেছেন তা শ্রমিকস্বার্থ রক্ষায় গুরুত্বপূর্ণ ভূমিকা পালন করে – উদ্দীপকের আলোকে বিশ্লেষণ কর। ৪
- ১০) জনাব জাহান এমন বিমাপত্র সংগ্রহ করেন যেখানে তাকে নির্দিষ্ট সময় পর্যন্ত কিস্তিতে প্রিমিয়াম দিতে হবে। এ সময়ের মধ্যে তিনি মারা গেলে, পত্নী হলে, অসুস্থ হলে ও বেকার হলে কোম্পানি বিমাদাবি পরিশোধ করবে। নির্দিষ্ট সময় পূর্ণ হলেও তিনি বোনাসসহ বিমাকৃত অর্থ পাবেন। অন্যদিকে, চালের ব্যবসায়ী মাঃ আমিন চালের গুদামের বিমা করেছিলেন। কিছুদিন আগে তিনি ৩০ মণ চাল বিক্রি করেছেন তা উল্লেখ না করে সম্পূর্ণ চালের ওপর বিমা করেন।
 - ক. আজীবন বিমাপত্রের মধ্যে সবচেয়ে জনপ্রিয় কোনটি? ১
 - খ. কোন বিমায় স্থলাভিষিক্তকরণ নীতি প্রযোজ্য হয় না? ব্যাখ্যা কর। ২
 - গ. উদ্দীপকে মাঃ আমিন বিমার কোন নীতি ভঙ্গ করেছেন বলে তুমি মনে কর? ব্যাখ্যা কর। ৩
 - ঘ. "জনাব জাহানের গ্রহণকৃত বিমা পলিসিটিতে স্বাভাবিকভাবেই প্রিমিয়ামের হার বেশি হয়" – মন্তব্যটি বিশ্লেষণ কর। ৪
- ১১) মি. তামিম জাহাজের নাবিক। তিনি দুই বছরের জন্য জীবন বিমা খুলেছেন। এই সময়ের মধ্যে মারা গেলেই কেবল তার নমিনি অর্থ পাবে। অন্যদিকে, তিন্তা বিমা কোম্পানি তাদের গৃহীত বিমার ঝুঁকি অত্যধিক বিবেচনায় সুরমা বিমা কোম্পানির কাছে গৃহীত দায়ের অংশবিশেষ অর্পণ করে। ঝুঁকি গ্রহণের জন্য তিন্তা বিমা কোম্পানি, সুরমা বিমা কোম্পানিকে আর্থিক প্রিমিয়াম দিবে।
 - ক. সমর্পণ মূল্য কী? ১
 - খ. বিমা কোম্পানির বিনিয়োগ সুবিধা কীভাবে প্রিমিয়ামের হার নির্ধারণে সহায়তা করে? ২
 - গ. মি. তামিম কোন ধরনের বিমাপত্র গ্রহণ করেছেন বলে তুমি মনে কর? ব্যাখ্যা কর। ৩
 - ঘ. উদ্দীপকে তিন্তা ও সুরমা কোম্পানির মধ্যে সম্পাদিত চুক্তি বিমা ব্যবসায়ের উন্নয়নে কোনো প্রভাব ফেলবে কি? মতামত দাও। ৪

এক্সক্লুসিভ মডেল টেস্ট ০৩

বিষয় কোড : 293

সময়-২ ঘণ্টা ৩০ মিনিট

ফিন্যান্স, ব্যাংকিং ও বিমা দ্বিতীয় পত্র সৃজনশীল প্রশ্ন

পূর্ণমান-৭০

দ্রষ্টব্য : ডান পাশের সংখ্যা প্রশ্নের পূর্ণমান জ্ঞাপক। ক বিভাগ থেকে কমপক্ষে পাঁচটি এবং খ বিভাগ থেকে কমপক্ষে দুটিসহ মোট সাতটি প্রশ্নের উত্তর দিতে হবে।

ক-বিভাগ : ব্যাংকিং

- ১▶ গ্রাহকের লেনদেনের মাধ্যমে 'ক' ব্যাংক 'খ' ব্যাংকের নিকট ১০ কোটি টাকা এবং 'খ' ব্যাংক 'ক' ব্যাংকের নিকট ১২ কোটি টাকা পাওনা হয়। উভয় ব্যাংক নিয়ন্ত্রণকারী ব্যাংকের শরণাপন্ন হলে ব্যাংকটি দ্রুততার সাথে উভয়ের লেনদেন নিষ্পত্তির ব্যবস্থা গ্রহণ করে। নিয়ন্ত্রণকারী ব্যাংকটি স্বয়ংক্রিয় উপায়ে নিজেদের অভ্যন্তরীণ লেনদেন সম্পন্ন করার ওপর তাগিদ দিয়েছে।
- ক. CHIPS কী? ১
- খ. মোবাইল ব্যাংকিং বলতে কী বোঝায়? ২
- গ. নিয়ন্ত্রণকারী ব্যাংক কোন পদ্ধতিতে 'ক' ও 'খ' ব্যাংকের লেনদেন নিষ্পত্তি করে? ব্যাখ্যা কর। ৩
- ঘ. কী উপায়ে 'ক' ও 'খ' ব্যাংক নিজেদের অভ্যন্তরীণ লেনদেন দ্রুততার সাথে সম্পাদন করতে পারবে বলে মনে কর? মতামত দাও। ৪
- ২▶ মি. আহাদ ফিন্যান্স বিষয়ের একজন প্রভাষক। তিনি তার কর্মস্থল রাজশাহীতে 'A' ব্যাংকে একটি হিসাব খোলেন। দেশের বিভিন্ন জায়গায় এই ব্যাংকটি দেখতে পাওয়া যায়। মি. আহাদের বন্ধু মি. খান ঢাকা শহরের একজন স্কুল শিক্ষক। তিনি তার কর্মস্থলের পাশে অবস্থিত 'B' ব্যাংকে একটি হিসাব খোলেন। 'B' ব্যাংকের সব কার্যক্রম ঐ অফিস থেকে পরিচালিত হয়। একদিন তারা দুই বন্ধু ভ্রমণে যাওয়ার সিদ্ধান্ত নিলেন। যাওয়ার সময় তারা যথেষ্ট টাকা এবং চেকবই সাথে নিলেন। জফলাং-এ পৌঁছানোর পর হঠাৎ তাদের টাকার ঘাটতি ঘটে। তারা উভয়েই তাদের চেক ইস্যু করে টাকা সংগ্রহের চেষ্টা করেন। তবে মি. আহাদ চেকের মাধ্যমে টাকা সংগ্রহ করতে পারলেও মি. খান ব্যর্থ হন।
- ক. গারনিশি অর্ডার কী? ১
- খ. চেইন ব্যাংকিং বলতে কী বোঝায়? ২
- গ. উদ্দীপকে মি. খান কোন ধরনের ব্যাংকে হিসাব খোলেন? ব্যাখ্যা কর। ৩
- ঘ. উদ্দীপকের আলোকে মি. আহাদের পক্ষে চেকের মাধ্যমে টাকা সংগ্রহের যৌক্তিকতা বিশ্লেষণ কর। ৪
- ৩▶ রানার কাছ থেকে ৫ লক্ষ টাকার একটি চেক পেলে রেজা। রানা চেকটির বাম কোণে আড়াআড়িভাবে দুটি রেখা টেনে তার মাঝখানে প্রাইম ব্যাংক লিমিটেড কথাটি লিখে দিল। রেজা চেকটি তার এলিম ব্যাংক শাখায় উপস্থাপন করলে ব্যাংকটি তাকে তার চেকটি প্রাইম ব্যাংক শাখায় উপস্থাপনের পরামর্শ দিল।
- ক. আদেশী কের? ১
- খ. হস্তান্তরযোগ্য ঋণের দলিল বলতে কী বোঝায়? ২
- গ. রেজা কী প্রক্রিয়ায় চেক টাকা উত্তোলন করতে পারবে? ব্যাখ্যা কর। ৩
- ঘ. উদ্দীপকের চেকটি কি আমানত সৃষ্টি করতে পারে বলে তুমি মনে কর? বিশ্লেষণ কর। ৪
- ৪▶ জনাব আবির্ টগর ব্যাংকে একটি সঞ্চয়ী হিসাব খোলেন। যেখানে তিনি টগর ব্যাংকের যেকোনো শাখায় হ্যাংকিং সময়ের মধ্যে সব ধরনের ব্যাংকিং লেনদেন করতে পারেন। এছাড়াও তিনি 'মুন ব্যাংক' থেকে এমন এক ধরনের কার্ড সংগ্রহ করেছেন যা দিয়ে ঋণ সুবিধা পাওয়া যায় এবং নির্দিষ্ট সীমা পর্যন্ত ব্যক্তিতে পণ্য কেনা যায়।
- ক. SWIFT কী? ১
- খ. অনলাইন ব্যাংকিং জগতে কাগজি মুদ্রার ব্যবহার কমে যাওয়ার কারণ কী? ব্যাখ্যা কর। ২
- গ. জনাব আবির্ 'মুন ব্যাংক' থেকে কোন ধরনের কার্ড সংগ্রহ করেছেন? ব্যাখ্যা কর। ৩
- ঘ. উদ্দীপকে জনাব আবির্ টগর ব্যাংক থেকে প্রাপ্ত সেবার যৌক্তিকতা বিশ্লেষণ কর। ৪
- ৫▶ বাবু ও পাল্লু সদ্য ডিগ্রি পাস করেছে। দু'জনেরই লক্ষ্য হলো কোনো ব্যাংকে চাকরি করা। সেই লক্ষ্যে বাবু কুমিল্লার একটি ব্যাংকে জুনিয়র এলিকিউটিভ পদে যোগদান করেন, যেটি শুধু দেশের শিল্পোন্নয়নে কাজ করে। অপরদিকে পাল্লুও একটি নামকরা ব্যাংকে যোগদান করেন। ব্যাংকটি একটি কেন্দ্রীয় অফিসের মাধ্যমে পরিচালিত হয়। ব্যাংকটির মূল কাজ আমানত সংগ্রহ, ব্যবসা-বাণিজ্যে ঋণদান ও আমদানি-রপ্তানি বাণিজ্যে নানা রকম সহায়তা করা।
- ক. ব্যাংক কাকে বলে? ১
- খ. ব্যাংক কীভাবে বিনিময়ের মাধ্যম সৃষ্টি করে? ব্যাখ্যা কর। ২
- গ. উদ্দীপকে উল্লিখিত বাবুর ব্যাংক কোন ধরনের ঋণ প্রদান করে? ব্যাখ্যা কর। ৩
- ঘ. পাল্লুর ব্যাংকটি বাবুর ব্যাংক অপেক্ষা কেন আলাদা প্রকৃতির? বিশ্লেষণ কর। ৪
- ৬▶ মুদ্রাস্ফীতি ও মুদ্রা সংকোচন উভয়েই দেশের অর্থনীতির জন্য ক্ষতি করে। মুদ্রাস্ফীতি ও মুদ্রা সংকোচন নিয়ন্ত্রণ করার জন্য R ব্যাংক প্রয়োজনীয় পদক্ষেপ নেয়, যার অংশ হিসেবে R ব্যাংক ঋণ নিয়ন্ত্রণ পদ্ধতি প্রয়োগ করে। S ব্যাংককে তার সংগৃহীত আমানতের একটি নির্দিষ্ট পরিমাণ টাকা বাধ্যতামূলকভাবে R ব্যাংকের নিকট জমা রাখতে হয়। R ব্যাংক জমার পরিমাণ হ্রাস-বৃদ্ধি করে ঋণ নিয়ন্ত্রণ করে থাকে।
- ক. কল মানি রেট কী? ১
- খ. খোলাবাজার নীতি বলতে কী বোঝায়? ব্যাখ্যা কর। ২

- গ. উদ্দীপকে উল্লিখিত R ব্যাংক মালিকানার ভিত্তিতে কোন ধরনের ব্যাংক? ব্যাখ্যা কর। ৩
- ঘ. R ব্যাংকটির পক্ষে ঋণ নিয়ন্ত্রণ করা কি সম্ভব? উদ্দীপকের আলোকে বিশ্লেষণ কর। ৪
- ৭▶ বাংলাদেশ ব্যাংক আমাদের দেশে অর্থ ও ঋণের যোগান নিয়ন্ত্রণের একক ক্ষমতার অধিকারী। এ ব্যাংক দেশের চাহিদা ও অন্যান্য অর্থনৈতিক বিষয়ের সাথে সঙ্গতি রেখে নোট ইস্যু করে, অর্থের যোগানে ভূমিকা পালন করে; যা বাংলাদেশ ব্যাংক অর্ডার ১৯৭২ এর বিভিন্ন ধারায় আলোচনা করা হয়েছে। এক্ষেত্রে ভারসাম্য নীতি ও আন্তর্জাতিক বিভিন্ন নিয়মকানুনও বাংলাদেশ ব্যাংককে অনুসরণ করতে হয়। অন্যদিকে বাংলাদেশ ব্যাংক দেশের অর্থনীতিতে ঋণ নিয়ন্ত্রণের জন্য বিভিন্ন সংখ্যাাত্মক পদ্ধতি ব্যবহার করলেও জমার হার পরিবর্তন নীতিই এদেশের অর্থনীতিতে অধিক কার্যকর বলে বিশেষজ্ঞরা মত দিয়েছেন।
- ক. ঋণের বরাদ্দকরণ নীতি কী? ১
- খ. ঋণ নিয়ন্ত্রণ বলতে কী বোঝায়? ব্যাখ্যা কর। ২
- গ. বাংলাদেশ ব্যাংক অর্ডার ১৯৭২-এ বাংলাদেশ ব্যাংকের নোট ইস্যু সম্পর্কে কী ধারণা দেওয়া হয়েছে? আলোচনা কর। ৩
- ঘ. উদ্দীপকে কেন জমার হার পরিবর্তন নীতিকে অধিক কার্যকর বলা হয়েছে? অন্যান্য সংখ্যাাত্মক পদ্ধতিগুলোর সাথে তুলনামূলক আলোচনা কর। ৪
- খ-বিভাগ : বিমা
- ৮▶ জনাব X এবং জনাব Y দুইজন সরকারি চাকরিজীবী। জনাব X দুই বছরের জন্য জাতিসংঘ মিশনে সোমালিয়া যান। তিনি তার সম্মানদের ভবিষ্যতের কথা বিবেচনা করে দুই বছরের জন্য একটি বিমাপত্র গ্রহণ করেন। যেখানে তিনি মারা গেলেই কেবল তার সন্তানেরা বিমাদাবি পাবেন। অপরদিকে জনাব Y বার্ষিক ২৫,০০০ টাকা বিমা কিস্তিতে ১০ বছরের জন্য তিন লক্ষ টাকার একটি বিমাপত্র গ্রহণ করেন, যেখানে তিনি মারা না গেলেও নির্দিষ্ট সময় শেষে বিমাদাবি পাবেন।
- ক. মৃত্যুহারপঞ্জি কাকে বলে? ১
- খ. দ্বৈত বিমা বলতে কী বোঝায়? ব্যাখ্যা কর। ২
- গ. জনাব X-এর গৃহীত বিমাপত্রটি কোন ধরনের বিমাপত্র? ব্যাখ্যা কর। ৩
- ঘ. জনাব X এবং জনাব Y গৃহীত দুটি বিমাপত্রের মধ্যে কোনটি বেশি লাভজনক বলে তুমি মনে কর? উদ্দীপকের আলোকে বিশ্লেষণ কর। ৪
- ৯▶ জনাব তপু একজন ব্যবসায়ী। তিনি তার ব্যক্তিগত ব্যবহারের জন্য একটি গাড়ি জাপান থেকে আমদানি করেছেন। তিনি তার গাড়িটি প্রাইম ইন্স্যুরেন্স কোম্পানির কাছে বিমা করেন। প্রাইম ইন্স্যুরেন্স কোম্পানি তার ঝুঁকি কমানোর জন্য গাড়িটি রূপালী ইন্স্যুরেন্স কোম্পানির কাছে বিমা করে। অন্যদিকে জনাব তপু তার গুদামে রক্ষিত পণ্যের জন্য আরেকটি বিমাপত্র সংগ্রহ করেছেন। পণ্যের পরিমাণ সঠিকভাবে উল্লেখ না করায় পরবর্তীতে তার বিমাপত্রটি বাতিল হয়ে যায়।
- ক. প্রিমিয়াম কী? ১
- খ. বিমাকে ঝুঁকি বণ্টনের যৌথ ব্যবস্থা বলা হয় কেন? ২
- গ. উদ্দীপকে জনাব তপুর বিমাপত্রটি কেন বাতিল হয়েছে? ব্যাখ্যা কর। ৩
- ঘ. উদ্দীপকে প্রাইম ইন্স্যুরেন্স কোম্পানির সাথে রূপালী ইন্স্যুরেন্স কোম্পানির সম্পাদিত চুক্তির যৌক্তিকতা বিশ্লেষণ কর। ৪
- ১০▶ মোস্তফা সাহেবের কাছে জীবনের নিরাপত্তাটাই সর্বোচ্চ অগ্রগণ্য। তাই তিনি ১২ বছরের জন্য একটি বিমাপত্র খোলেন তার জীবনের ওপর ডেব্টা বিমা কোম্পানিতে। সম্প্রতি তিনিসহ তার দুই বন্ধু চুক্তির ভিত্তিতে একটি সুপার শপ চালু করেন। দেশের নানা প্রান্ত থেকে পণ্য আনার জন্য কাউকে না কাউকে টাকার বাইরে যেতে হয়। এক্ষেত্রে সকলের নিরাপত্তার জন্য একটি বিমার কথা ভাবছেন।
- ক. গোষ্ঠী বিমা কাকে বলে? ১
- খ. জীবন বিমা কোন ধরনের চুক্তি এবং কেন? ২
- গ. মোস্তফা সাহেব নিজের জীবনের ওপর বিমাপত্রীতার সংখ্যার ভিত্তিতে কোন ধরনের বিমা করেছেন? ব্যাখ্যা কর। ৩
- ঘ. অংশীদারি ব্যবসায় হওয়ায় মোস্তফা সাহেব ও তার বন্ধুদের জন্য কোন ধরনের জীবন বিমা চুক্তি উত্তম হবে বলে তুমি মনে কর? মতামত দাও। ৪
- ১১▶ চট্টগ্রামের আহমেদ শাহিনের পাঁচটি গাড়ি আছে। দুর্ঘটনাজনিত ঝুঁকি এড়াতে তিনি বিমা কোম্পানিতে তিন কোটি টাকার একটি চুক্তি সম্পাদন করে ১ লাখ টাকা প্রিমিয়াম পরিশোধ করেন। দুর্ঘটনায় এক কোটি টাকা মূল্যের দুটি গাড়ি ক্ষতিগ্রস্ত হয়। তবে গাড়িগুলোর ইঞ্জিন মোটামুটি ভালো আছে বলে জানা যায়।
- ক. স্বাস্থ্য বিমা কী? ১
- খ. বিমা কীভাবে বৈদেশিক বাণিজ্যের প্রসার ঘটায়? ২
- গ. বিমাকারীর সাথে আহমেদ শাহিনের সম্পাদিত বিমাপত্রটি কোন ধরনের? ব্যাখ্যা কর। ৩
- ঘ. আহমেদ শাহিনের বিমাদাবি পরিশোধিত হলে দুর্ঘটনা কবলিত গাড়িগুলোর অবশিষ্ট নির্ধারণে তোমার মতামত দাও। ৪

এক্সক্লুসিভ মডেল টেস্ট ০৪

বিষয় কোড : 293

সময়-২ ঘণ্টা ৩০ মিনিট

ফিন্যান্স, ব্যাংকিং ও বিমা দ্বিতীয় পত্র সৃজনশীল প্রশ্ন

পূর্ণমান-৭০

[দ্রষ্টব্য : ডান পাশের সংখ্যা প্রশ্নের পূর্ণমান জ্ঞাপক। ক বিভাগ থেকে কমপক্ষে পাঁচটি এবং খ বিভাগ থেকে কমপক্ষে দুটিসহ মোট সাতটি প্রশ্নের উত্তর দিতে হবে।]

ক-বিভাগ : ব্যাংকিং

- ১▶ X ব্যাংক একটি প্রতিষ্ঠিত ব্যাংক। ব্যাংকটি বৈদেশিক বাণিজ্যে গ্রাহকদের পক্ষে প্রত্যয়পত্র ইস্যু করে। এছাড়াও ব্যাংকটি বিদেশ হতে পণ্য বা যন্ত্রপাতি ক্রয় করে ভাড়া ক্রয় বা কিস্তিতে ক্রয় পদ্ধতিতে গ্রাহকদের সরবরাহ করে। সম্প্রতি ব্যাংকটি ক্ষতির সম্মুখীন হলে Y ব্যাংকের সাথে একীভূত হয়ে ব্যাংকটি কার্যক্রম পরিচালনা করার উদ্যোগ গ্রহণ করে।
- ক. সীমাবদ্ধ গারান্টি আদেশ কী? ১
- খ. ব্যাসেল-২ গুরুত্বপূর্ণ কেন? ব্যাখ্যা কর। ২
- গ. উদ্দীপকের ব্যাংকটি কোন ধরনের ব্যাংক? ব্যাখ্যা কর। ৩
- ঘ. উদ্দীপকের আলোকে Y ব্যাংকের সাথে একীভূত হওয়ার যৌক্তিকতা মূল্যায়ন কর। ৪
- ২▶ জুলাই বিপ্লবের পর দেশে একধরনের অর্থনৈতিক অস্থিরতা দেখা দেয়। আবার যমুনা ব্যাংক তার গচ্ছিত অর্থ উত্তোলন করতে গেলে ব্যাংকটি তা পরিশোধ করতে অসমর্থ হয়। ব্যাংকটি তার সুনাম হারানোর ভয়ে মেঘনা ব্যাংকের কাছ থেকে অল্প সময়ের জন্য ঋণ গ্রহণ করে।
- ক. গ্রুপ ব্যাংক কী? ১
- খ. ব্যাংককে ধার করা অর্থের ধারক বলা হয় কেন? ২
- গ. যমুনা ব্যাংক কোন নীতির লঙ্ঘন করেছে? ব্যাখ্যা কর। ৩
- ঘ. উদ্দীপকের আলোকে মেঘনা ব্যাংকের কাছ থেকে ঋণ গ্রহণের যৌক্তিকতা বিশ্লেষণ কর। ৪
- ৩▶ X, Y ও Z তিনটি তফসিলভুক্ত একই মালিকানাধীন ব্যাংক। ব্যাংক তিনটির নিজেদের মধ্যকার লেনদেন নিষ্পত্তি করার জন্য একটি নিকাশঘর ব্যবস্থা আছে যদিও কেন্দ্রীয় ব্যাংক কর্তৃক তাদের নিকাশ ঘরের সুবিধা দেয়া হয়। তারা গ্রাহকদের সুবিধার কথা চিন্তা করে ৪৪ bit এর Txn-id ব্যবহার করে।
- ক. SWIFT-এর পূর্ণরূপ লেখ? ১
- খ. “নিরাপত্তাই হলো ইলেকট্রনিক ব্যাংকিংয়ের প্রধান অন্তরায়”- ব্যাখ্যা কর। ২
- গ. ব্যাংকগুলো নিজেদের মধ্যে লেনদেন নিষ্পত্তির জন্য কোন ধরনের নিকাশ ঘরের সাহায্য নেয়? ব্যাখ্যা কর। ৩
- ঘ. উদ্দীপকের আলোকে ব্যাংকগুলোর Txn-id ব্যবহারের যৌক্তিকতা মূল্যায়ন কর। ৪
- ৪▶ বর্তমানে বাণিজ্যিক ব্যাংকগুলোর কাছে ২০ হাজার কোটি টাকা অলস পড়ে আছে। তাই বাণিজ্যিক ব্যাংকগুলো ইচ্ছামতো ঋণ প্রদান করতে সক্ষম। এই কারণে কেন্দ্রীয় ব্যাংক বাণিজ্যিক ব্যাংককে যে হারে ঋণ প্রদান করতো তার শতকরা ২% বৃদ্ধি করে। এতেও বাণিজ্যিক ব্যাংককে ঋণ সামর্থ্যকে প্রভাবিত না করলেও কেন্দ্রীয় ব্যাংক তার কাছে রক্ষিত শেয়ার ও বন্ড সরাসরি বাজারে বিক্রয় শুরু করে। এতে বাণিজ্যিক ব্যাংকগুলোর ঋণ প্রদান ক্ষমতা হ্রাস পেতে থাকে।
- ক. নিকাশ ঘর কী? ১
- খ. কেন্দ্রীয় ব্যাংককে মুদ্রাবাজারের অভিভাবক বলা হয় কেন? ব্যাখ্যা কর। ২
- গ. উদ্দীপকে উল্লিখিত কেন্দ্রীয় ব্যাংকের ঋণ নিয়ন্ত্রণের জন্য প্রথম পদক্ষেপে কোন পদ্ধতি গ্রহণ করছিল? ব্যাখ্যা কর। ৩
- ঘ. কেন্দ্রীয় ব্যাংকের দ্বিতীয় পদক্ষেপ সফল হওয়ার কারণ বিশ্লেষণ কর। ৪
- ৫▶ বাণিজ্যিক ব্যাংকসমূহের অত্যধিক ঋণদান কার্যক্রমের কারণে বাজারে মুদ্রাস্ফীতি দেখা দেয়। এতে দ্রব্যমূল্য অস্বাভাবিক হারে বেড়ে যায়। এমতাবস্থায়, কেন্দ্রীয় ব্যাংক CRR পূর্বের তুলনায় ২% বাড়িয়ে দেয়। কিন্তু কিছু কিছু ব্যাংক এ নির্দেশ অমান্য করায় কেন্দ্রীয় ব্যাংক তাদের বিল বাট্টাকরণে অস্বীকৃতি জানায়। ফলে সংশ্লিষ্ট ব্যাংকসমূহ নির্দেশ পালনে বাধ্য হয়, বাজারে মুদ্রা সরবরাহ ও ঋণের পরিমাণ কাম্যস্তরে ফিরে আসে।
- ক. SLR এর পূর্ণরূপ কী? ১
- খ. কেন্দ্রীয় ব্যাংককে সরকারের ব্যাংক বলা হয় কেন? ২
- গ. উদ্দীপকে কেন্দ্রীয় ব্যাংকের গৃহীত প্রথম পদক্ষেপ ঋণ নিয়ন্ত্রণের কোন পদ্ধতির সাথে সম্পর্কিত? ব্যাখ্যা কর। ৩
- ঘ. উদ্দীপকে মূল্যস্তরের স্থিতিশীলতা আনয়নে কেন্দ্রীয় ব্যাংকের গৃহীত ব্যবস্থা কতটুকু যুক্তিযুক্ত? মতামত দাও। ৪
- ৬▶ নিচের চিত্রটি লক্ষ কর এবং প্রশ্নগুলোর উত্তর দাও :

ডেল্টা ব্যাংক পিএলসি	তারিখ : ১৫.১.২৫
ভেলানগর, নরসিংদী	
জনাব আব্বাসকে অথবা বাহককে প্রদান করণ।	
কথায় : পাঁচ লক্ষ টাকা মাত্র।	
অঙ্কে : ৫,০০,০০০/-	

কিন্তু চেকটি ১০.০৫.২০২৬ তারিখে জমা দিতে গেলে প্রত্যখ্যাত হলো।

- ক. হুকুম চেক কী? ১
- খ. চেকের অনুমোদন বলতে কী বোঝায়? ২
- গ. উদ্দীপকের চেকটি কোন ধরনের চেক? ব্যাখ্যা কর। ৩
- ঘ. উদ্দীপকের চেকটি প্রত্যাখ্যাত হলো কেন? বিশ্লেষণ কর। ৪
- ৭▶ ২০২৪ সালের মার্চ মাসে মেঘনা ব্যাংক হবিগঞ্জ শাখার বিভিন্ন ধরনের চেকের বিপক্ষে যে অর্থ প্রদত্ত হয়েছে তার সংখ্যা ও টাকার পরিমাণ নিচে দেওয়া হলো।
- | চেকের ধরন | সংখ্যা | টাকার পরিমাণ (কোটি টাকায়) |
|-------------|--------|----------------------------|
| বাহক চেক | ২০০০ | ২০ |
| দাগকাটা চেক | ৪০০ | ১৮ |
| হুকুম চেক | ১০০ | ২ |
- ক. চেকের আদেষ্ঠা কে? ১
- খ. বিনিময় বিল বলতে কী বোঝায়? ব্যাখ্যা কর। ২
- গ. কোন চেকের বিপক্ষে সর্বোচ্চ পরিমাণ অর্থ প্রদত্ত হয়েছে? ব্যাখ্যা কর। ৩
- ঘ. চেকের সংখ্যা বিচারে কোন চেকের প্রতি গ্রাহকদের আস্থার প্রমাণ পাওয়া যায়? উদ্দীপকের আলোকে মূল্যায়ন কর। ৪

খ-বিভাগ : বিমা

- ৮▶ মিজান সাহেবের ঢাকায় একটি বাড়ি আছে। তিনি তার ভতিজা রিমনকে নিজের বাড়িটি বিমা করানোর জন্য একটি বিমা কোম্পানিতে পাঠান। চাচার বয়সের কথা বিবেচনা করে রিমন নিজের নামে বাড়িটি বিমা করতে চাইলে বিমা কোম্পানি তাতে অস্বীকৃতি জানায়। অন্যদিকে, রিমনের ভাই সুমন একজন পাট ব্যবসায়ী। কিছুদিন আগে তিনি তার পাটের গুদাম বিমা করেন। পাটের সঠিক পরিমাণ উল্লেখ না করায় বিমা কোম্পানি তার বিমাচুক্তি বাতিল করে।
- ক. ঝুঁকি কী? ১
- খ. আনুপাতিক অংশগ্রহণের নীতি কী? ২
- গ. উদ্দীপকের আলোকে বিমা কোম্পানি রিমনের প্রস্তাব গ্রহণের অস্বীকৃতি জানানোর কারণ ব্যাখ্যা কর। ৩
- ঘ. বিমা কোম্পানি কর্তৃক সুমনের বিমাচুক্তি বাতিল করার কারণ বিশ্লেষণ কর। ৪
- ৯▶ জামাল সাহেবের খামারে ১০০টি অস্ট্রেলিয়া জাতের গাভি আছে। খামারে রোগ আক্রান্তের ঝুঁকি এড়াতে তিনি ১০,০০,০০০ টাকার বিমাপত্র গ্রহণ করেছেন। শত্রুতাবশত তার পাঁচটি গাভি মেরে ফেলা হয় যার আনুমানিক মূল্য ৪,০০,০০০ টাকা। তিনি বিমাকারীর কাছে বিমার দাবি পেশ করেন।
- ক. পুনর্বীমা কী? ১
- খ. সমর্পণ মূল্য বলতে কী বোঝায়? ২
- গ. জামাল সাহেব কোন ধরনের বিমাচুক্তি করছেন? ব্যাখ্যা কর। ৩
- ঘ. জামাল সাহেব কত টাকা বিমাদাবি পাবেন? মতামতের পক্ষে যুক্তি দাও। ৪
- ১০▶ রায়হান ও সৃজন দুই বন্ধু। রায়হান নির্দিষ্ট পরিমাণ প্রিমিয়াম প্রদানের শর্তে দুই বছরের জন্য একটি মেয়াদি বিমাপত্র গ্রহণ করে। চুক্তির শর্তানুসারে ২ বছরের মধ্যে তার মৃত্যু হলে মনোনীত ব্যক্তি বিমাদাবি পাবে। তবে মৃত্যু না হলে কেউ কোনো অর্থ পাবে না। অপরদিকে সৃজন যে বিমাপত্রটি গ্রহণ করেছেন তার মেয়াদ ১০ বছর। মেয়াদের মধ্যে সৃজন মারা গেলে তার মনোনীত ব্যক্তি বিমাদাবি আদায় করতে পারবে অথবা তিনি বেঁচে থাকলে বিমাদাবি আদায় করতে পারবেন।
- ক. দ্বৈত বিমা কী? ১
- খ. মৃত্যুহারপঞ্জি কেন ব্যবহার করা হয়? ২
- গ. উদ্দীপকে উল্লিখিত রায়হানের বিমাপত্রটি কোন ধরনের? ব্যাখ্যা কর। ৩
- ঘ. ‘সৃজন কর্তৃক গৃহীত বিমাপত্রটি নমিনির জন্য আর্থিক নিরাপত্তা ও সৃজনের জন্য সম্বল’ – বিশ্লেষণ কর। ৪
- ১১▶ মি. জাওয়াদ একটি কোম্পানির মালিক। নির্দিষ্ট বিমা পলিসির ভিত্তিতে তিনি তার ৫,০০০ কর্মীর নিরাপত্তার জন্য জনতা লাইফ ইস্যুরেন্স কোম্পানির সাথে একটি বিমাচুক্তি করলেন। আবার জনতা লাইফ ইস্যুরেন্স কোম্পানি প্রগতি লাইফ ইস্যুরেন্স কোম্পানির সাথে একই বিষয়বস্তুর উপর একটি বিমাচুক্তি করল।
- ক. তাৎক্ষণিক বোনাস কী? ১
- খ. নিট প্রিমিয়াম কী? ২
- গ. মি. জাওয়াদ কোন ধরনের বিমা করলেন উদ্দীপকের আলোকে ব্যাখ্যা কর। ৩
- ঘ. প্রগতি লাইফ ইস্যুরেন্স কোম্পানি জনতা লাইফ ইস্যুরেন্স কোম্পানির সাথে কোন ধরনের বিমা করল? উদ্দীপকের আলোকে বিশ্লেষণ কর। ৪

এক্সক্লুসিভ মডেল টেস্ট ০৫

বিষয় কোড : 293

সময়-২ ঘণ্টা ৩০ মিনিট

ফিন্যান্স, ব্যাংকিং ও বিমা দ্বিতীয় পত্র সৃজনশীল প্রশ্ন

পূর্ণমান-৭০

[দ্রষ্টব্য : ডান পাশের সংখ্যা প্রশ্নের পূর্ণমান জ্ঞাপক। ক বিভাগ থেকে কমপক্ষে পাঁচটি এবং খ বিভাগ থেকে কমপক্ষে দুটিসহ মোট সাতটি প্রশ্নের উত্তর দিতে হবে।]

ক-বিভাগ : ব্যাংকিং

- ১▶ আজমাইন এ বছর রাজশাহী মেডিক্যাল কলেজে ভর্তি হয়েছে। টাকা পাঠানোর জন্য তার বাবা জনাব খালেদ তাকে একটি ব্যাংক হিসাব খুলতে বলল। এজন্য সে সোনালী ব্যাংকের ব্যবস্থাপকের নিকট গেল এবং ব্যাংক ব্যবস্থাপক তাকে একটি হিসাব খোলার উপদেশ দিল যেটি তার জন্য উপযোগী।
- ক. ব্যাংক হিসাব কী? ১
- খ. চলতি হিসাব কী সুদ প্রদান করে? ২
- গ. ব্যাংক ব্যবস্থাপক আজমাইনকে কোন ব্যাংক হিসাব খোলার পরামর্শ দিল? উদ্দীপকের আলোকে ব্যাখ্যা কর। ৩
- ঘ. উদ্দীপকের আলোকে ব্যাংক হিসাবটির গ্রহণযোগ্যতা সম্পর্কে তোমার মতামত বিশ্লেষণ কর। ৪
- ২▶ জনতা ব্যাংক লি. দেশের বিভিন্ন স্থানে শাখা স্থাপন করে মক্লেদের নিকট হতে আমানত সংগ্রহ করে। মুনাফা অর্জন করা এই ব্যাংকের মূল উদ্দেশ্য। অন্যদিকে মেঘনা ব্যাংক লি. যার মুনাফা অর্জন মূল উদ্দেশ্য নয়। মেঘনা ব্যাংক লি. ঋণ নিয়ন্ত্রণে বিরাট ভূমিকা রাখে। যার মূল্য বৃদ্ধির সময় জনতা ব্যাংক লি. মেঘনা ব্যাংক লি. কে সহায়তা করে।
- ক. ব্যাংকিং কী? ১
- খ. KYC ফরম কেন গুরুত্বপূর্ণ? ২
- গ. জনতা ব্যাংক লি. কোন ধরনের ব্যাংক? উদ্দীপকের আলোকে ব্যাখ্যা কর। ৩
- ঘ. ব্যাংক দুটির মধ্যে কোন ব্যাংক দেশের উন্নয়নে এবং ব্যাংক ব্যবস্থার শৃঙ্খলা রক্ষায় অধিক ভূমিকা রাখে? উদ্দীপকের আলোকে বিশ্লেষণ কর। ৪
- ৩▶ মি. হাসান একজন ব্যবসায়ী। তিনি মাল বিক্রয় করে করিমের নিকট হতে চেকের মাধ্যমে অর্থ সংগ্রহ করেন। তিনি দুটি চেক সংগ্রহ করেন যার একটি ৫ লক্ষ টাকার এবং অন্যটি ১০ লক্ষ টাকার। ৫ লক্ষ টাকার চেকটি হতে তিনি সরাসরি অর্থ সংগ্রহ করতে পারেন। কিন্তু ১০ লক্ষ টাকার চেকটি হতে সরাসরি অর্থ সংগ্রহ করতে পারেন না। এই ১০ লক্ষ টাকা তার ব্যাংক হিসাবে জমা হয়।
- ক. চেক কী? ১
- খ. বিনিময় বিল বলতে কী বোঝ? ২
- গ. উদ্দীপকের আলোকে ১০ লক্ষ টাকার চেকটি কোন ধরনের চেক? ব্যাখ্যা কর। ৩
- ঘ. “১০ লক্ষ টাকার চেকটি ৫ লক্ষ টাকার চেক অপেক্ষা অধিক নিরাপদ” – উদ্দীপকের আলোকে বর্ণনা কর। ৪
- ৪▶ ঢাকায় একটি ব্যাংক আছে যাকে সকল ব্যাংকের মুকব্বি বলা হয়। ঢাকা ছাড়াও দেশের বিভিন্ন শহরে এটির আঞ্চলিক কার্যালয় আছে যেগুলো এটির কার্যক্রম পরিচালনায় সহায়তা করে। সব আঞ্চলিক কার্যালয়ে একটি নির্দিষ্ট কক্ষ থাকে যেখানে আন্তঃলেনদেন নিষ্পত্তি করা হয়। সব ব্যাংকের চেক ও ড্রাফটগুলো এখানে নিষ্পত্তির জন্য আনা হয়।
- ক. ব্যাংক হার কী? ১
- খ. খোলা বাজার কার্যক্রম বলতে কী বোঝ? ২
- গ. উদ্দীপকের আলোকে এটি কোন ধরনের ব্যাংক? ব্যাখ্যা কর। ৩
- ঘ. “অন্যান্য ব্যাংকগুলো এরূপ কাজ করতে পারে না” – উদ্দীপকের আলোকে বিশ্লেষণ কর। ৪
- ৫▶ মি. কাশেম একজন ব্যবসায়ী। তিনি তার ব্যবস্থাপককে তার দেনাদারের নিকট ৫০,০০,০০০ টাকার চেক সংগ্রহের জন্য পাঠালেন। কিন্তু তিনি বেশ উদ্বিগ্ন ছিলেন কারণ টাকার পরিমাণ অনেক বেশি ছিল। চেকের বাম কোণে সমান্তরাল রেখা দেখে তিনি আশঙ্কত হলেন।
- ক. নিকাশ ঘর কী? ১
- খ. ব্যাংক নোট ও সরকারি নোট কী একই জিনিস? ২
- গ. উদ্দীপকের আলোকে এটি কোন ধরনের চেক? ব্যাখ্যা কর। ৩
- ঘ. এই চেকটির কোনো তাৎপর্য আছে কী? উদ্দীপকের আলোকে বিশ্লেষণ কর। ৪
- ৬▶ মি. আসাদ চুম্বকীয় কার্ড দিয়ে টাকা উত্তোলন করতে পারেন। অন্যদিকে মি. সাকিবর একই কার্ড ব্যবহার করে পণ্য কিনতে ও বিল পরিশোধ করতে পারে। তার হিসাব থেকে অতিরিক্ত অর্থ উত্তোলন করতে পারেন। পরে এই অর্থ সুদসহ পরিশোধ করতে হয়।
- ক. EFT এর পূর্ণরূপ কী? ১
- খ. এজেন্ট ব্যাংকিং বলতে কী বোঝ? ২
- গ. মি. আসাদ কোন ধরনের কার্ড ব্যবহার করেন? উদ্দীপকের আলোকে ব্যাখ্যা কর। ৩
- ঘ. কোন কার্ডটি উত্তম? উদ্দীপকের আলোকে বিশ্লেষণ কর। ৪

- ৭▶ বাজারে যাওয়ার সময় তৃষার বাবা তাকে ৫ টাকা এবং ১০ টাকার কিছু নোট দিল। সে নোটগুলোতে বাংলাদেশ ব্যাংকের মনোহ্রাম এবং বাংলাদেশ ব্যাংক গভর্নর এর স্বাক্ষর লক্ষ্য করে। আবার তার মা তাকে ২ টাকার কিছু নোট দিল যেখানে সে অর্থ সচিবের স্বাক্ষর এবং গণপ্রজাতন্ত্রী বাংলাদেশ সরকার লেখা দেখতে পেল।
- ক. ব্যাংক ড্রাফট কী? ১
- খ. মোবাইল ব্যাংকিং কেন জনপ্রিয়? ২
- গ. তৃষা তার মায়ের নিকট হতে কোন ধরনের নোট পেল? উদ্দীপকের আলোকে ব্যাখ্যা কর। ৩
- ঘ. বড় অঙ্কের অর্থ লেনদেনের ক্ষেত্রে তৃষার বাবার দেওয়া নোট তার মায়ের দেওয়া নোট থেকে অধিক গুরুত্বপূর্ণ – উদ্দীপকের আলোকে উক্তিটি মূল্যায়ন কর। ৪

খ-বিভাগ : বিমা

- ৮▶ জনাব বাতেন ৩০ লক্ষ টাকা দিয়ে একটি গাড়ি ক্রয় করেন। উক্ত গাড়িটির জন্য তিনি ২৫ লক্ষ টাকার একটি বিমা করেন। হঠাৎ এক দুর্ঘটনায় তার গাড়িটি ক্ষতিগ্রস্ত হয় এবং তিনি নিজেও মারাত্মকভাবে আহত হন। দুর্ঘটনার পর জনাব বাতেন বিমাকারী প্রতিষ্ঠানের নিকট হতে গাড়ির জন্য ক্ষতিপূরণ পেলেও নিজের চিকিৎসা ব্যয় বাবদ কোনো ক্ষতিপূরণ পাননি।
- ক. সেবার নীতি কী? ১
- খ. “বিমা হলো পরম বিশ্বাসের চুক্তি” – ব্যাখ্যা কর। ২
- গ. উদ্দীপকে বিমা কোম্পানি কর্তৃক জনাব বাতেনকে তার গাড়ির জন্য ক্ষতিপূরণ প্রদানের যৌক্তিকতা ব্যাখ্যা কর। ৩
- ঘ. বিমাকারী প্রতিষ্ঠান কর্তৃক দুর্ঘটনাজনিত কারণে জনাব বাতেনকে ক্ষতিপূরণ প্রদান করার সিদ্ধান্ত ছিল যৌক্তিক। – তুমি কি একমত? ব্যাখ্যা কর। ৪
- ৯▶ জনাব হৈমন্তি দে ৫ লক্ষ টাকার ১২ বৎসর মেয়াদি একটি বিমার্চুক্তি সম্পাদন করেন। চার বৎসর প্রিমিয়াম পরিশোধের পর আর্থিক অসচ্ছলতার কারণে তার বিমাপত্রটি চালিয়ে যাওয়া সম্ভব নয় বলে বিমা কোম্পানিকে জানান এবং বিমাদাবি আদায়ের জন্য আবেদন করেন।
- ক. সমকিঞ্চিত বিমাপত্র কী? ১
- খ. নিশ্চয়তার চুক্তি বলতে কী বোঝায়? ২
- গ. জনাব হৈমন্তি দে কোন ধরনের জীবন বিমাপত্র গ্রহণ করেছেন? ব্যাখ্যা কর। ৩
- ঘ. উদ্দীপকে উল্লিখিত জনাব হৈমন্তি দে কি বিমাকারী কোম্পানি থেকে বিমাদাবি পাওয়ার অধিকারী হবেন? যুক্তি দাও। ৪
- ১০▶ AB লাইফ ইন্স্যুরেন্স কোম্পানি প্রিমিয়ামের পরিমাণ নির্ধারণের ক্ষেত্রে বিমাদাবির সাথে বিমা প্রতিষ্ঠানের সম্ভাব্য বিভিন্ন খরচ যোগ করে। মুনাফায়ুক্ত পলিসির ক্ষেত্রে মুনাফার পাওয়ার অধিকারী হবেন।
- ক. গোষ্ঠী বিমা কী? ১
- খ. জীবন বিমাকে নিশ্চয়তার চুক্তি বলা হয় কেন? ২
- গ. প্রিমিয়াম নির্ধারণের পদ্ধতি বিবেচনায় AB ইন্স্যুরেন্স কোম্পানির ধার্যকৃত প্রিমিয়াম কোন ধরনের? ব্যাখ্যা কর। ৩
- ঘ. সম্ভাব্য খরচ ও মুনাফা বিবেচনা না করে কীভাবে প্রিমিয়াম নির্ধারণ সম্ভব? বিশ্লেষণ কর। ৪
- ১১▶ জনাব খালেদ তার বাবার সাথে একই বাড়িতে বসবাস করেন। বাড়িটি তার বাবার নামে। ভূমিকম্পজনিত কারণে বাড়িটি ক্ষতিগ্রস্ত হতে পারে এ আশঙ্কা হতে জনাব খালেদ বাড়িটি বিমা করতে গেলে বিমাকারী প্রতিষ্ঠান অস্বীকৃতি জানায়। তাই খালেদের বাবা নিজেই বাড়িটি বিমা করেন। পরবর্তীতে খালেদের বাবা বিমা প্রতিষ্ঠানকে না জানিয়ে বাড়িটির আকৃতিগত কিছু পরিবর্তন সাধন করেন। এতে বাড়িটি এক পাশে হেলে যায়। খালেদের বাবা বিমাদাবি পেশ করলে বিমাকারী প্রতিষ্ঠান তা দিতে অস্বীকৃতি জানায়।
- ক. দায় বিমা কী? ১
- খ. “কিছু কিছু ঝুঁকি নিয়ন্ত্রণ অযোগ্য” – ব্যাখ্যা কর। ২
- গ. কোন নীতির জন্য জনাব খালেদের প্রস্তাবে বিমা প্রতিষ্ঠান বাড়িটি বিমা করতে অস্বীকৃতি জানায়? ব্যাখ্যা কর। ৩
- ঘ. উদ্দীপকের আলোকে জনাব খালেদের বাবা কি বিমাদাবি পাওয়ার যোগ্য? বিশ্লেষণ কর। ৪